



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 5. & 6. lib. 1. Esdræ, in quo describitur
Magnanimitas Israëlitarum Templum ædificantium.

[urn:nbn:de:hbz:466:1-61252](#)

Doctrina 3.

Desumpta ex cap. 5 & 6. lib. I. Esdræ, in quo describitur Magnanimitas Israëlitarum Templum adificantium.


Considera 1. **Q**uanta fortitudine animi excelluerint Hebræi, dum N. 350. contra Edictum regium manus applicavere adificando Templo, & interrogati à Ducibus cap. 5. v. 3. quis vobis dedit Consilium, ut Domum hanc adificaretis? animosò ore & voce non trepidâ responderunt: *Nos sumus servi Dei Cœli & terra & adificamus Templum &c. v. 12. cap. citati.* Similitudine perquām aptâ utitur sapiens, dum Justum & Divini Cultūs studiosum hominem comparat Leoni Prov. 30. ut enim Leoni fortissimum est caput, quod hostibus audacter opponit: ita Justo omne robur in capite, in mente videlicet genera-rosa residet. Sic Moyses Hebræorum Ductor Pharaoni erectâ cer-vice sese objecit, sic Eleazarus tortoribus caput opposuit, nullis fran-gendum minis, asserebat enim 2. Machab. 6. fortiter vitâ excedendô, se-nectute quidem dignus apparebo, adolescentibus autem forte exemplum relinquam si prompto animo ac fortiter pro gravissimis & sanctissimis legibus morte honestâ persungar. Sic Daniel Martyr Africanus teste Drex. in trosis: p. I. c. 13. §. 1. ad Tyrannum conversus dixit: ure, tunde, lania: *Idola tua non adorabimus, quod magis nos affligis, eò digniores vitâ alterâ efficiis.* Tua saevitia nostra est gloria: ejeci è terra in Cœlum admittimur. De S. Vincen-tio gloriosissimo Athletha Christi S. Augustinus serm. 12. de SS. di-suevit: tormenta defecerant, & adhuc membra durabant. Judex verus, tortor cruentus, Martyr invictus. Tanta crassabatur crudeli-tas in Martyris corpore, & tanta tranquillitas proferebatur in voce: tanta poenarum asperitas saeviebat in membris, ut meritô modô putaremus, Vincentiô paciente alium non loquentem torqueri. Et verè fratres ita erat, prorsus ita erat: caro ergo patiebatur, & lin-quente Spiritu non tantum convicebatur impietas, sed etiam con-fortabatur infirmitas: nam rabidi hostis atque in Christianos saevi-entis insaniam interritus adiit, modestus sustinuit, securus irrisit; sciens paratus esse, ut resisteret; nesciens elatus esse, quò vinceret. Hêr-cle sicut ignis ea est natura, ut quò plus ligni ei objeceris, eò ma-gis accrescat, & surgat in altum; ita viri fortis animus per adversa & pericula magis augetur. Atque si ut ramus Cedri onere sibi im-
N.n 2. posse.

posito nequaquam deprimitur, sed renitens contra sarcinæ pondus sele erigit; ita ille, quod majori hostium & tribulationum impetu premitur, eò fortiorē se comprobat, exclamans cum Apostolo Philip. 4. *omnia possum in eo, qui me confortat.* O Christiane! male mentio, ne Christus te meritō illis compellat Verbis, quibus in libello aureo utitur Asceta dicens: *fili! non es adhuc fortis & prudens amator.* Et si reponas: *quare Domine?* respondebit ille: *quia propter modicam conseruarietatem deficit à ceptis, & nimis avidè consolationem quarie.* Fortis amator stat in temptationibus, nec calidis credit persuasionibus inimici: *sicut ei in prosperis placeo, ita nec in adversis displaceo.*

N. 351. Considera 2. Deum eò majorem Providentiam demonstrare erga servos suos, quod major eorum fuerit fortitudo & zelus in defendendo honore Divino: testatur enim cap. 6. Darium Regem Iudeis propter attentatum Templi ædificium apud se pessimè traductis, non tantum veniam gratiose impertitum esse, sed publico Edictō Dicibus suis demandasse: *procul recedite ab illis & dimittite fieri Templum Dei illud à Duce Iudeorum, & à Senioribus eorum, ut Domum Dei illam adficiant in loco suo &c.* v. 7. cap. citati. adhac v. 8, addidisse expensas de Tributis trans flumen sumendas. Quin imò v. 9. & seqq. obtulisse omnia, quæ pro peragendis Sacrificiis videbantur requiri. Compleverat hic Deus Promissum illud in Posteris, quod pridem fecerat eorum Antecessori & parenti dicens: *noli timere Abraham, Ego protector tuus sum, & merces tua magna nimis.* Planè merces magna nimis, si consideremus opes, quas Abraham ex Aegypto ditissimus rediens secumtulit. Merces magna nimis: si in memoriam revocemus gloriosam victoriam, quam de hostibus, noctu à parvula suorum manu invasis, reportavit Abraham. Merces magna nimis, si intueamur immensam posteriorum copiam arenæ maris aut cœli stellis comparandam, quam Abraham à Deo obtinuit. Non afferam plura admirandæ Dei Providentiae & fidelitatis erga servos suos exempla. Loquantur rubri mariis undæ, quæ instar murorum steterunt erectæ, ut transitum præberent Populo, à Pharaone extremam persecutionem passo. Loquantur durissimæ petræ, quæ in uberes sunt resolutæ fontes, & sitientium jam penè emortuas fauces recrearent. Loquatur columna illa; quæ inter obscurissimas noctis umbras viatoribus Israëlitis securum monstravit iter. Loquatur nubes illa, quæ à gravissimis caloribus solis defendit ex Aegypto reduces. Loquuntur contornices è cœlo missæ, aut

Manna

Manna abinde delapsum. Loquantur denique innumera hostium cadavera, subactæ Regiones, expugnatæ à Judæis urbes. Si tot luctucenti testes id roboris non habent, ut te disponant ad plenam in Deum fiduciam, surdo fabulam cantabo, quidquid tandem dixero.



FASCICULUS LIII.

Doctrinarum Moralium & Asceticarum.

Doctrina I.

Desumpta ex cap. 7. & 9. lib. 1. Esdra, in quibus describitur Iter Esdra ex Babylonia, Regis Artaxerxis sollicitudo pro Cultu Dei, & rebus ad eum spectantibus. Luctus Esdra ob inita Connubia cum Gentibus.

Considera 1. **S**i Artaxerxes Rex, homo Idololatram & Ethnici tam N.352. sollicite imperaverit Esdræ Sacerdoti: Munera Deo, per Populum oblata, in Cultum Divinum exactissime impendi; quanta requiratur cura à Christianis Clericis Sacerdotibus, ne profanis usibus Patrimonium Christi & pauperum applicetur. Cap. 7. v. 17. hæc habet formalia: studiosè eme de hac peccunia vitulos, arietes, agros & sacrificia & libamina eorum, & offer super Altare Templi Dei vefri, quod est in Jerusalem. Legant, volvant, & revolvant isthac verba Procuratores quorum curæ Ecclesiastici redditus commissi sunt. Utinam raro contingeret: tales Ministros studiose quidem emere cum Esdræ vitulos, arietes & agnos ex pecuniis Ecclesiæ, sed ut iisdem ad lauta convivia abutantur. S. Brigitæ revelat. lib. 4. cap. 134. appa- ruerat olim Christus, contra quosdam Ecclesiarum administratores conqueri auditus: *Judas vendidit me, antequam redemisse Mundum; isti postquam redemi Mundum, & non compatintur super sanguine meo, qui plus clamat vindictam, quam sanguis Abel &c.* Sponsus coelestis de sua profite- tur Sponsa in Canticis: quod illa deferat manus tornatiles. Hoc i- plurum de Sacerdotibus aut aliis honorum Ecclesiasticorum dispensa- toribus dicit verificandum esse, S. Greg. Nyss. eos nempe talibus in- structos

N n n 3